

Frankeringsmaskinat

POST Greenland A/Sip Niuernermi piumasaqatai 1. maaji 2020-meersut

1. Frankeringsmaskinanik atuisinnaanermut akuerineqarneq

Atuisup frankeringsmaskinamik atuilernissaanut TELE-POST atuisinnaanermut akuersissummik tunniussissaaq. Frankeringsmaskiinamik atuisussat akuersissummik pissarsiniarunik ukiumut minnerpaamik 10.000 korusunit nalinginut atuisarsimassapput. Frankeringsmaskinat TELE-POST-imit akuerisat kisimik atorpeqarsinnaapput.

Frankeringsmaskina nioqquteqartumit najukkami TELE-POST Centerimut toqqaannartumik nassiunneqassaaq, atorneqalinnginnerminilu aningaasanut kisitsissutaa tassani atuarneqarallassaaq. Frankeringsmaskinamik pisaarnermut atasumik aningaasartuutit atuisup tamaasa akiligassarai. Nalinganik naqitsissutaa, ulluanut naqitsissutaa maskinamullu matuersaat TELE- POST-ip pigisarai, frankeringsmaskina atuisup akilersimagaluarpaguluunniit.

Frankeringsmaskinamik atuinissamut akuersissut utertinneqarsinnaavoq maskinamik atornerluisoqarsimappat, naammaginartumik atorsinnaassuseqangippat ajoqutigisaalu aaqinneqangippat, frimærkilersukkanut akiliinissamut killigititaasut eqqortinneqangippata, maskina akuttunngitsunik atorneqarneq ajorpat imaluunniit atuneq ukiup ilivitsup iluani 20.000-t inorlugit naleqarsimappat. Frankeringsmaskinap atornerata kingunerisaanik TELE-POST sumilluunniit annasaqartinneqarpat ajoqusigaappalluunniit atuisoq tamatumunnga akisussaasuvoq.

Maskiinat taamaallaat atuisumit atorneqarsinnaapput aamma tukkiunneqarsinnaangillat.

2. Naqitsissummik naqitat

Naqitsissummik naqinneqartut ersarissuussapput. Nassiussat ersernerluttumik naqissusikkat nassiunneqarsinnaangillat. Maskinap naqitsissutaata qalipaataa nioqquteqartumit akuerineqarsimasuussaaq. Allakkat puuni, immersugassani aammalu nipitittakkani nipittartuleriikkani eqqunngitsumik naqitsissummik naqitsinerit allakkerivimmit taarsiivigineqarsinnaapput. Aningaasat uterteqqusat 5%-ii ilanngaatineqartarput.

Taarsiivigineqarnissamik qinnuteqaat qaammatikkaartumik TELE-POST Centerimut nassiunneqartarpoq immersugassaaq „Fejlfrankering på frankeringsmaskine” atorlugu allakkap puui pineqartut ilanngullugit. Immersugassaaq TELE-POST Centerimi pineqarsinnaavoq.

Naqitsissummik naqitanut taarsiisoqarneq ajorpoq nalinganik naqinnera ulluanilluunniit naqinnera atuarneqarsinnaangikkaangat, allakkap puuata nassiunneranut nalinganik/ ullormik naqinnera alinneqarsimappat/qiorneqarsimappat, ullup naqinnera amigaataagaangat imaluunniit ullup naqinnera qaammammik kingullermik pisoqaanerugaangat.

3. Nassiussassanik tunniussineq

Nassiunneqartussat najukkami TELE-POST Centerimut tunniunneqartussaasarput. Allakkat allakkanut nakkartitsivimmut ikineqartut, tasisartumik qilertanngortiterneqarsimassapput. Nassiunneqartussat tunniunneqarnerminni naqinneqarsimassapput ullormik eqqortumik.

4. Maskinamik iluarsaaneq

Maskina ajoquteqalerpat, atuisoq pisussaavoq erngerluni atorneqarsinnaajunnaarsinnis- saanut. Maskinap kisitsissutaata parnaarusernera nioqquteqartumit aqqqissuisartumiilluunniit akuerisamit taamaallaat kipineqarsinnaavoq. Maskina aqqqissuutsinneqassappat, kisitsissutaa TELE-POST Centerip atuarallassavaa nioqquteqartumut nassiunneqannginnerani. Maskina aqqqissuunneqareeraangat atoqqilinnginnerani kisitsissutaanik TELE-POST Centeri atuaaqqaarallassaaq. Atuisup maskina aqqqissuunneqarnissaanut nammi- neq akilikkaminik nassiutissavaa.

5. Frimærkilersuineramik akiliineq

TELE-POST-ip akiligassap akiligassanngortinneqarneraniit kingusinnerpaamik ullut 30-t qaangiunneranni akilerneqartussaq qaammatikkaartumik akiligassaq á conto nassiuttassavaa. Akiligassaq qaammatit tamaasa aallartinneranni nassiunneqartassaaq.

Allaffissornermut akiliut, www.post.gl –imi Akit allattorsimaffiat naapertorlugu angissusilik, ilanngunneqartarpoq. Akiliutip taassuma matussuser tarpai ukiumut marloriarluni misissuiartornernut aningaasartuutit kiisalu kisitsissutaani atuinerit misissoriartoqqinneri fakturaliornerillu. Á conto faktura akilerneqanngikkaangat akiligassamik eqqaasitsissut siulleeq nassiunneqartarpoq. Akiligassamik eqqaasitsissutip siulliup nassiunneqarnerata kingorna akiligassaq akilerneqanngikkaangat, akiligassamik eqqaasitsissutip aappaa nassiunneqartarpoq. Akiligassamik eqqaasitsissutit marluusut tamarmik eqqaasitsissutaanerminnut www.post.gl –imi Akit allattorsimaffiat naapertorlugu angissusilimmik ilaneqartarput. Qaammatip naanerani aningaasanut kisitsissutaata takutitai TELE-POST Centerimit tunniunneqartumut allattuivissamut allattorneqassapput. Allattuinermut tassunga pissutaavoq atuisup frimærkilersuinerminut atuinerminik malinnaaviginninnissaa á conto-mik akiliummik aqqqiviginninnermut aammalu nalinginnarmiit annertunerusumik atuivallaarnerup paasinissaanut atorneqarsinnaammat.

6. Atuisunngornermut akiliut

Nutaamik atuisunngortumik maskinamilluunniit nutaamik pisaarnermi nalunarutiginnin- nermi atuisunngornermut akiliut akilerneqassaaq, takuuk www.telepost.gl –imi Akit allattorsimaffiat.

7. Frankeringsmaskinamik misissueqqittarneq

TELE-POST Centeri ukiumut marloriarluni – uge 12-imi uge 38-milu – frankeringsmaskinamik misissueqqittarpoq. Misissueqqinnerup siunertaraa, maskinap kisitsisit takutitavii naapertorlugit akiligassiumalluni kisitsissutip takutitaanik misissuineq á conto-millu akiligassanngortussamik naatsorsuinissaq. Maskinap aaqqissuussisartumit misissorneqarnissaa piumasarineqassappat, taamatut piumasaqarneq atuisup malittussaavaa.

8. Frankeringsmaskinamik ammaqqinneq

Atuisoq akiliinissamik eqqaasitsissutitigut siullikkut aappaatigullu á conto fakturamik akiliisimangippat frankeringsmaskina matuneqassaaq. Nassiussassat nalinganik naqitsissut savimineq ullormillu naqitsissut peerneqassapput. Tamanna ajornarpat, frankeringsmaskina TELE-POST Centerimi aserortigassatut nassarneqassaaq. Frankeringsmaskinap ammaqqinneqarnissaa atuisup kissaatigippagu, ammaqqinneranut akiliut akilerneqaqqaassaaq, takuuk www.telepost.gl –imi Akit allattorsimaffiat. Frankeringsmaskina qaammatini arfinilinnit TELE-POST-imi paarineqareerpat aserorterneqassaaq.

9. Frankeringsmaskinamik atuiunnaarnermik nalunaarneq

Maskinamik taarsiisoqarpat, atuiunnaartoqarpat atorunnaarsitsisoqarpalluunniit, TELE- POST Center tamatuminnga ilisimatinneqassaaq. Nalinganik ullormillu naqitsissutaa maskinamiit atuisumiit peerneqassaaq TELE-POST Centerimullu tunniunneqassalluni. Nalinganik ullormillu naqitsissutaa atuisup maskinamiit peersinnaanngippagu, maskina TELE-POST-imit pigisassanngortinneqassaaq.